

Client : TH Plantations Berhad

Date : 27 Disember 2005

Medium : Berita Harian

## Tabung Haji naik taraf penginapan

**M**AKKAH: Lembaga Tabung Haji (Tabung Haji) sentiasa berusaha meningkatkan keselesaan penginapan untuk semua jemaah Malaysia ketika menunaikan haji di sini, kata Pengurus Besar Kanan (Haji) Tabung Haji, Datuk Dr Azni Ahmad.

Bellau berkata, Tabung Haji sedang berusaha keras memastikan setiap bilik yang disediakan didiami tidak lebih daripada enam jemaah dan dilengkapi kemudahan tandas serta bilik mandi sendiri, peti ais dan televisyen.

"Di bangunan penginapan itu juga kita hendakkan supaya disediakan ruang lobi yang luas, banyak lif, ruang untuk jemaah haji beristirahat, surau dengan tempat wuduk khas serta ada kemudahan kaunter kewangan, klinik, dobi dan sebagainya," katanya kepada wartawan Malaysia yang membuat liputan musim haji kali ini, di sini.

Bellau berkata, Tabung Haji juga berharap supaya kemudahan penginapan yang turut menyediakan ruang untuk anggota keluarga yang sama-sama menunaikan haji bertemu serta tempat mencuci pakaian sendiri, di-

tempatkan di bawah satu bumbung.

Azni berkata, pada masa ini hanya sebahagian daripada kemudahan seperti itu sudah dapat dinikmati oleh jemaah Malaysia, seperti di hotel Sevilla Barakat dan Qurtubah Barakat, yang terletak tidak jauh dari Masjidil Haram, masjid paling suci umat Islam.

"Itulah harapan dan doa Tabung Haji, semoga ia akan jadi satu realiti suatu hari nanti. Bagaimanapun sekarang sudah banyak rumah (penginapan) mendapat kemudahan itu," katanya.

Hotel Sevilla Barakat menempatkan 3,900 jemaah sementara Hotel Qurtubah Barakat didiami oleh 2,800 jemaah, sementara yang lain tinggal di 14 maktab di pelbagai kawasan sekitar Masjidil Haram.

Bagaimanapun, tempat kediaman yang diduduki sebahagian besar jemaah sekarang ini menepati syarat kediaman ditentukan Kerajaan Arab Saudi.

Katanya, Kerajaan Arab Saudi mensyaratkan supaya setiap bilik menempatkan antara empat dan enam jemaah dengan setiap jemaah diberikan katil dan tilam, serta tahap keselamatan yang tinggi.